

## Ar Ddydd Gŵyl Dewi Sant

Yn nhafarn bach y pentra'  
Roedd 'na rai yn adrodd chwedla',  
Roedd 'na ddeigryn am yn ail â gwên  
Wrth ganu'r hen emyna'  
Ar Ddydd Gŵyl Dewi Sant...

Roedd llond y lle o drwr,  
Sŵn gwydrau gwin a chwrw,  
A dyma wr bach blin i'r tŷ  
Yn rho fath â tarw.  
Ar Ddydd Gŵyl Dewi Sant...

A medda' hwn, dan bwdu,  
"Mae 'na rai yn trio cysgu!"  
A medden ninna' yn un criw  
"Mae hi heddiw'n Wyl yng Nghymru:  
Dydd Gŵyl Dewi Sant!"

A dyma'r cythraul, felly  
Yn coethi a sgyrnygu,  
Ac yn chwyrnu wrth ein bygwth ni:  
"Dw i'n mynd i alw'r heddlu  
I arestio Dewi Sant!"

"Dwi'n eu galw nhw ers awran,  
Lle goblyn mae y plisman?"  
A medden ninna': "dacw fo  
Yn dawnsio dawns y glocsan  
Ar Ddydd Gŵyl Dewi Sant!"

Ysgol Llanaelhaearn ac Ysgol Rhydyclafdy, gyda chymorth Twm Morys  
Cae'r Gors: Canolfan Dreftadaeth Kate Roberts, 29/02/08